

COMUN: I litadus che oress gní scric ite tl album di cumpèdausc pro les lîtes dess fá domanda te comun cina ai 30.11.19, y chi che foss a ôna da surantó l'inciaria de presidënt de seziun litala cina ai 31.10.19. I scric ite, resta scric ite.

SAN MARTIN Y LUNGIARÜ

Al pó gní paíé mësse a d'intenziun la domënia do mësse tles colonies.

Le Laur davert por la Jonëza metü a ji dal Sorvisc ai Jogn por düc i jogn y les jones dla scora mesana y alta mët indô man: a San Martin dai 7 d'otober vigni lõnesc dales 14.15 - 17.15. Tl salf di jogn y tla palestra vëgnel pité n program rich de ativités de tēmp lēde (cujiné, pastelné, jüc y tröp deplü).

Le Sorvisc de consulēza por jogn, jones y geniturs sön temesc dla jonëza y dl'educaziun é indô atif dai 11 d'otober inant: vigni secundo y cuarto dedemesa-ledema dl mēis dales 09.30 - 11:30 tl Zēnter Pedagogich a Picolin Cultura. An pó jí debann zēnza prenotaziun. Info: barbara@jogn.org o 342/8410721.

La Portina por la Cura y Assistēza inviēia a na incuntada sura la demēnza y co se comporté cun porsones demēntes, cun Cinzia Siviero, en dedolōnesc, ai 15 d'otober dales 18.00 - 20.00 tla Ciasa de Palsa a San Martin.

Domisdé d'informaziun sura le Fond Sanitar Integratif por i dependēnc publichs Sanipro metü a jí dala Ciasa de Palsa en jōbia, ai 17 d'otober, dales 15.00, cun le colauradú dl Fond Sanitar, Michael Tappeiner. Invié é le personal dla provinzia, di comuns, dla ciasa de palsa, dla comunité de val, dl'aziēnda sanitara y dles associazions di datur de laur y dles organisaziuns sindacales.

SAN MARTIN

La Uniun dles Ēres y di Ēi inviēia ala festa di maridá iubilars en domënia, ai 20 d'otober, cun mësse y sté adöm tl salf di stōdafüch. Düc i pers che é 10, 15, 20, 25, 30, 35, 40, 45, 50, 55, ... agn maridá é inviá. Chësc avis vel sciöche invit. Präibel anunziesse cina ai 16/10 pro Leo 348 40 96 351 o Rosa 320 37 15 113

Le KVV da San Martin vá en mercui, ai 16 d'otober, en jita, cun la coriera dales 7.50 dala Burcia cina Verdings; n'ora y mesa a pe cina Schnauders dal Glangelhof olache vignun pó s'aposté por so cunt ci ch'al ó. Da dailó cun la coriera rovan a ciasa dales 19.00. Prenotesse pro Hilda o pro Ludwig cina ai 14 d'otober.

LUNGIARÜ

Le Comun á metü l'arch. Ivo Clara da fá n stüde de fatibilité por ressané y mēte a jí deplü morins a Lungiarü cun le finanziaimēt tres le program provincial de svilup rural 2014/20. I proprietars di morins che podess gní restrotorá, é dër bel inviá a na incuntada en jōbia, ai 10/10, dales 20.00 tla palestra a Lungiarü.

En chësc altonn é da lite danü le consēi dla Uniun dles Ēres. Porchël vëgnel chiri ěres che ess interes y ligrēza da sté ite tl consēi y dé n contribut al'ativité dla uniun. Interessades é periades da s'anunzié pro les surastantes.

La Uniun Patrones inviēia al curs da fá desserc cun Rosmarie Verginer le lõnesc ai 07 d'otober dales 19.00 - 22.00. Iscriziun 339 59 12 655

"Aste danter i 14 y i 18 agn y oresseste imparé les bases dl pröm aiüt? Ví pro le grup jonil dla Crusc Biancia de Mareo!" Info 349 3374732 o vigil.sl@wk-cb.bz.it

Invit ala presentaziun dl liber "Pederü - Storia, stories y svilup" de Pablo Palfrader en vëndres, ai 11 d'otober, dales 19.00 it' a Pederü. Dedô renfrēs ch y musiga cun Alexander d'Al Plan y compagns.



www.unitepastorala.org

Plata dles Ploanies San Martin y Lungiarü

siur Klaus Sottsas 344 15 54 055 - ksottsas@yahoo.de
redaziun: anton.gasser@rolmail.net - 348 27 44 517 / 0474 523 194

06.10. – 13.10.19 nr. 45

ultimo termo por comunicaziuns: jōbia dales 20.00
radio: 90,40 / 93,70

27ª DOMËNIA ia por l'ann C

Vangele do Lūca 17,5-10

Te chël tēmp à i apostui perié le Signur:

Renforza nosta fede!

Le Signur à respognü:

Sce osta fede foss inće mât
tan grana co n granel de sēnf,
podesses di a chësc lēgn da bromores:
Âlzete cun tües raisc fora de tera,
y implantēiete tl mer!,
y al ves olgass.



Ne fossel nia pordert chël le significat de mia vita cristiana,
ch'i foss bun da ti surandé düc mi fistidi al Signur?
ch'i foss bun da afrunté dōtes les dificultés dla vita cun la forza dla fede?
ch'i foss bun da superé mi egoism cun le slöm dla fede?
ch'i foss bun da orienté mia vita deplēgn sön Chël Bel Dî y dí:
"Al sozedes tūa orenté, i me lasci sön te" ?

Avëi na te fede da posté n lēgn y le fá crësce cinamai t'ega sarada dl mer?
Ciamó deplü fossel meso
y ciamó cotan deplü él sté meso olache jënt á veramēnter albü fede.
Ci n'á pa nia mudé döt la jënt che á cherdü tla liberté y tl amur de Dî!
Tan de speranza, por ejēmpl, che san Francësch d'Assisi é sté bun
da ti dé ai püri y a tanc ch'al ti á mudé deplēgn la vita.

Signur, madër n granel de sēnf de fede, präibel, scínchemall!
Sc'i á la fede, se lascia döt soporté, döt arjunje olach'ara me condüj.
Y sc'al ne foss nia ma mia fede,
mo ince la fede de nosta comunité de credēnc,
na fede deboriada che vá a ôna cun chëra di atri,
se mudass defata le müs dla tera.

Vigni de, sce nia vigni ora, ói jí dan da Chël Bel Dî y perié cun i apostui:
"Renforza nosta fede!" (PA)

41 ^a Edema dl ann liturgich	SAN MARTIN	LUNGIARÜ	 I periun do l'intenziun dl Papa por le mëis d'otober <i>I periun che le Spirit Sant descêdes en chësc mëis dles misciuns n'aisciöda miscionara nöia.</i> Invit da dí la Corona <i>Papa Francësch nes chërda al com- batimënt cuntra le mal. Al inviëia i catolics da dí tl mëis d'otober vigni de la corona y da perié che la Dlijia</i>  <i>vëgnes sconada dal malan. Le malan prô da despartí la jënt da Chël Bel Dí y da la despartí danter ëra.</i> Tl vangele da incö unse aldí: <i>Do ch'i arëis fat döt ci ch'i sëis gnüs comaná da fà, desses di: "I sun de püri stlavs, i un fat nosc dovëi". Y Wilhelm Löhes (+1872) dijô: "Mi paiamënt é chël de podëi sorvì".</i> <i>Incö stentunse da capí chëstes parores; impó él sté tröpes generaziuns de porsones che s'á tigní a chësta diretiva y che á dediché süa vita deplëgn al sorvisc de Dí y al sorvisc dl proscim.</i> <i>Tröc s'á lascé animé y motivé da chësta esortaziun!</i> <i>Por ci se lascia pa animé y motivé la jënt aldedaincö?</i> 
06.10.19 27^a DOMËNIA DL ANN C <i>Segra dl Rosare</i>	9.00 <u>Prozesciun dl Rosare</u> 9.30 Gran Mëssa dla Comunité 11.00 Bato de Samuel Ploner	7.55 Corona 8.15 Gran Mëssa dla Comunité 14.00 Tru dles Staziuns	
07.10.19 Lönesc <i>S. Maria dl Rosare, Iustina</i>			
08.10.19 Dedolönesc <i>Scimun, Sara</i>	19.30 Mëssa por Stephan y Julia Ploner de reng.		
09.10.19 Dedemesaledema <i>Denis, Sibila</i>	18.00 Corona d'otober	7.30 Mëssa y dedô corona d'otober + Franz Costa	
10.10.19 Jöbia <i>Daniele Comboni, Victor</i>	7.30 Mëssa + Maria Unterweger Corona por vocaziuns		
11.10.19 Vëndres <i>Giovanni XXIII, Bruno</i> <i>Confesciuns sö Oies (16.30 - 18.00)</i> <i>cun siur Andreas Perathoner</i>	18.30 Adoraziun chîta 19.00 Adoraziun deboriada	7.30 Mëssa a d'intenziun	
12.10.19 Sabeda <i>Maximilian, Gottfried, Serafin</i>	15.30 Mëssa tla Ciasa de Palsa 17.00 Mëssa prefestia (te dlijia) <i>en gaujiun de 50 agn</i> <i>campionat dl palé Val Badia</i>	20.00 Mëssa prefestia de rengraziamënt	
13.10.19 28^a DOMËNIA DL ANN C	9.00 Corona d'otober 9.30 Gran Mëssa dla Comunité	Segra - Anivers. consagraziun dla dlijia 7.55 Corona 8.15 Mëssa solëna dla Comunité <i>Oferta por le restaur dl ciampani</i> 15.00 Corona tla capela de S. Ujöp Fr.	
PLOANIA DA SAN MARTIN  Les mius audanzes de benedisciun y fortuna a Priska Conrater y Elmar Rubatscher che s'á maridé tla dlijia da San Martin inier ai 05 d'otober.			
La Proteziun Zivila mët a jí na PROA D'ALARM en jöbia, ai 10 d'otober: Incer les 10.00 aldiarëis por n menüt alalungia la sirena cun n sonn che vá söjöö. La proa vëgn tignida por fá conëscë ala jënt le segnal d'alarm. Sc'al ess da jí tl caje de na catastrofa chësc segnal d'alarm dla proteziun zivila, spo él atira da se mète al sigü te n fabricat, o sc'an é bele te ciasa, spo él da stlûje atira les portes y i vidri y da destodé eventualmënter i implanc de aereaziun. Por radio y televijiun y te internet gnarál dé les informaziuns de ci ch'al é sozedü y coche la jënt á da s'astilé.			